

Como 140 Calco confisca deposita na Huize Maris Stella



ORANJESTAD (AAN): Informe lo mester a drenta na Polis cu a yega tera tres piscador cu cantidad grandi di Calco. Polis a bay na Rogers Beach nan unda nan lo a topa cu un persona canando rond cu "Turtuga". A resulta cu tres piscador a caba di regresa tera cu entre otro Kreeft, Turtuga, Inktvis y Calco.

Ta trata aki di e hombernan J.T. di 65 aña, A.G. di 55 aña y V.C. di 61 aña di edad.

E hombernan aki tabata un dia exitoso pero Polis mester a laga e Turtuga cu tabata na bida regresa pa alta mar y 143 calco si a keda confisca.

Fiscal a worde poni na altura di e caso aki. Despues di deliberacion a dicidi di usa freezer di Huize Maris Stella pa warda e cantidad grandi di Calconan mientras tanto.

Segun un di e piscadornan cu ministro Tico Croes lo a dune permiso pa saca e calconan na Fontein.



Redashi a pone problema start den famia

ORANJESTAD (AAN): Den oranan di merdia a presenta na Warda di Polis na Noord un señora. E señora cu tabata papia poco dificil, pero tog a splica Polis lo siguiente: Segun su version cu un homber cu kende e tin relacion, a maltrate. Wowo di señora L. cu tin 29 aña, tabata bluaw, su boca tabata hincha y debi na e golpi algun diente a kibra.

E victima a keda di bay despacho di Recherche pa denuncia e caso di maltrato aki contra di e tipo inicial U.E.J.D.

Tambe Polis mester a intermedia entre tanta y subrina. Entre e pareha aki a surgi problema relaciona cu hácimento di redashi. E damita inicial W. di 18 aña na dado momento a dal su tanta G. di 26 aña den su cara. Esaki ta debi cu e tanta lo a yama W. pa "P..."

E palabra "P..." e damita no a acepta di su tanta pa cual el a hisa man. Polis a intermedia te caminda nan tabata por y a worde remarca cu por spera mas problema entre tanta y subrina.

BILL CLINTON WANTA DURO!!

